




T2512/4233(11)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940







皇王大紀卷第二十八

哈佛大學漢和
圖書館珍藏印

魏生

三王紀

周康王

王承文武成王之業無所變更勤脩先王之訓典用
 和洽於天下以對揚皇天上帝之不顯休命小雅首
 篇曰鹿鳴三章章八句言燕群臣嘉賓也既飲食之
 又實幣帛筐篚以將其厚意然後忠臣嘉賓得盡其
 心矣呦呦鹿鳴食野之苹藟蕭也我有嘉賓鼓瑟吹笙
 吹笙鼓簧承筐是將筐篚也所以將幣帛也人之好我示我周
 也至行道也呦呦鹿鳴食野之蒿藋也我有嘉賓德音孔昭

視古示民不恠愉也君子是則是倣可法效也我有旨酒嘉

賓式燕以敖遊也呦呦鹿鳴食野之芩草也我有嘉賓鼓

瑟鼓琴鼓瑟鼓琴和樂且湛樂之久也我有旨酒以燕安也

樂嘉賓之心小雅二篇曰四牡五章章五句勞使臣

之來也有功而見知則說矣四牡駢駢行止之貌周道

倭遲歷遠之貌豈不懷歸私恩也王事靡盬公義也我心傷悲

情思也四牡駢駢嘽嘽駱馬喘之貌鬣曰白馬黑駱豈不懷歸王

事靡盬不堅固也不遑暇也啓跪也處居也翩翩者騅飛下也載飛

載下集于苞栩王事靡盬不遑將養也父翩翩者騅載

飛載止集于苞杞柯機也王事靡盬不遑將母駕彼四

駱載驟駸駸駢也豈不懷歸是用作歌將母來諭念也告也

小雅三篇曰皇皇者華五章章四句君遣使臣也送

之以禮樂言遠而有光華也皇皇猶煌煌也者華于彼原

隰高平日曰原下濕曰隰駢駢衆多貌征夫行人也每懷靡及我馬維

駒六轡如濡載馳載驅周忠信也爰咨諏訪善為咨咨事為諏我

馬維騏六轡如絲言調也載馳載驅周爰咨謀咨事之難易為

謀我馬維駱六轡沃若載馳載驅周爰咨度咨禮義所宜為

度我馬維駟陰白雜毛曰駟六轡既均調也載馳載驅周爰咨

詢親之謀戚為詢小雅四篇曰常棣八章章四句燕兄弟也

閔管蔡之失道故作常棣焉常棣棣也之華鄂承華者不

韓韓明盛貌凡今之人莫如兄弟死喪之戚兄弟孔懷

原隰哀聚也矣兄弟求矣春令在原兄弟急難難則飛鳴也

行則搖不能自舍也每有良朋况也也永長也嘆兄弟閱也于墻

外禦其侮每有良朋烝也無戎相也助也喪亂既平既安

且寧雖有兄弟不如友生儋陳也爾籩豆飲酒之飫私也

兄弟既具和樂且孺妻子好合如鼓瑟琴兄弟既翕

和樂且湛宜爾室家樂爾妻孥是究是圖信也其然

乎小雅五篇曰伐木六章章六句燕朋友故舊也自

天子至於庶人未有不須友以成者親親以睦友賢

人不棄不遺故舊則民德歸厚矣伐木丁丁伐木聲鳥

鳴嚶嚶出自幽谷遷于喬木嚶其鳴矣求其友聲相

彼鳥矣猶求友聲矧况也伊人矣不求友生神之聽之

終和且平伐木許許醜酒以筐也有萸美貌既有肥羜未成

羊曰羜以速諸父天子謂同姓諸侯諸侯謂同姓大夫皆曰父寧適不來微

無也我弗顧於粲鮮明貌洒掃陳饋八簋圓曰子用既有

肥牡以速諸舅異姓則稱舅寧適不來微我有咎伐木于

阪醜酒有衍美也籩豆有踐陳列貌兄弟無遠民之失德

乾餱食也以愆民尚以乾餱獲愆過於人有酒湑湑昔之也我無酒酤一宿

酒也我坎坎鼓我蹲蹲舞貌舞我迨我暇矣飲此湑矣小

雅六篇曰天保六章章六句下報上也君能下下以

成其政臣能歸美以報其上焉天保定爾亦孔之固

堅也俾爾單信也厚何福不除開也俾爾多益以莫不庶

衆也天保定爾俾爾戩穀罄盡也無不宜受天百祿降爾

遐福惟日不足天保定爾以莫不興如山如阜高平曰阜

大陸曰阜如岡如陵大阜曰陵言廣厚也如川之方至以莫不增吉

善蠲潔也為饔酒食也是用孝享禴祠烝嘗于公事也先王

君曰卜爾先君也尸象神卜予也萬壽無疆神之弔至也矣詒遺也

爾多福民之質成也矣日用飲食群黎百姓百官族姓徧為

爾德如月之恒弦也如日之升出也如南山之壽不騫虧也

不崩如松柏之茂無不爾或承小雅十篇曰魚麗六

章三章章四句三章章二句美萬物盛多能備禮也

魚麗歷也于留曲梁也寡婦之笱也鱮揚也鯿鮓也太平有道則微物衆多君子

有酒旨且多魚麗于留魴鱧鮓也君子有酒多且旨魚

麗于留鮓也鯉君子有酒旨且有物其多矣維其嘉

矣物其旨矣維其偕矣物其有矣維其時矣小雅十

一篇曰南陔孝子相戒以養也小雅十二篇曰白華

孝子之潔白也小雅十三篇曰華黍時和歲豐宜黍

稷也三篇有其義而亡其辭小雅十四篇南有嘉魚

四章章四句樂與賢也太平之君子至誠樂與賢者

共之也南有嘉魚江漢之間魚所產也烝然罩罩籠也君子有酒

皇王大紀卷二十八 四 魏生

嘉賓式燕以樂南有嘉魚丞然汕汕櫟也今之君子

有酒嘉賓式燕以衍南有樛木甘瓠纍之君子有酒

嘉賓式燕綏之翩翩者騅丞然來思君子有酒嘉賓

式燕又思小雅十五篇曰南山有臺五章章六句樂

得賢也得賢則能為邦家立太平之基矣南山有臺

夫須也北山有萊草也樂只君子邦家之基樂只君子萬

壽無期南山有桑北山有楊樂只君子邦家之光樂

只君子萬壽無疆南山有杞北山有李樂只君子民

之父母樂只君子德音不已南山有栲山樛也北山有

杻櫟也樂只君子遐不作壽秀眉也樂只君子德音是茂

南山有枸枳也北山有椴鼠也樂只君子遐不作壽

君子保艾爾後小雅十六篇曰由庚萬物得由其道

也小雅十七篇曰崇丘萬物得極其高大也小雅十

八篇曰由儀萬物之生各得其宜也三篇有其義而

亡其辭小雅十九篇曰蓼蕭四章章六句澤及四海

也蓼長大也彼蕭蒿也斯零露漙漙露貌既見君子我心寫

兮燕笑語兮是以有譽處兮蓼彼蕭斯零露漙漙既

見君子為龍寵也為光其德不爽差也壽考不忘蓼彼蕭

斯零露泥泥既見君子孔燕豈弟樂易也宜兄宜弟為兄

亦宜為弟亦宜令德壽豈蓼彼蕭斯零露濃濃既見君子儻

皇王六記 卷二十八 五 魏生

也轡首也 轡首 冲冲垂飾貌 和鸞雖雖在軾日和 萬福攸同

小雅二十篇曰湛露四章章四句天子燕諸侯也湛

也盛多貌 露斯匪陽日也 不晞乾也 厭厭安也 夜飲私燕也 不醉

無歸湛湛露斯在彼豐草厭厭夜飲在宗載考夜飲必於

宗室 湛湛露斯在彼杞棘顯允君子莫不令德其桐其

椅其實離離垂也 豈弟君子莫不令儀小雅二十一

篇 曰彤弓三章章六句天子錫有功諸侯也彤朱也 弓

也弛也 兮受言我也 藏之我有嘉賓中心貺之賜也 鍾鼓既設

一朝饗之彤弓昭兮受言載之載以歸也 我有嘉賓中心

喜之鍾鼓既設一朝右勸也 之彤弓昭兮受言橐韜也 之

我有嘉賓中心好之鍾鼓既設一朝醕報也 之小雅二

十二篇曰菁菁者莪四章章四句樂育材也君子能

長育人材則天下喜樂之矣菁菁盛貌 者莪羅蒿也 在彼

中阿大陵中也 既見君子樂且有儀菁菁者莪在彼中泚

也泚中也 既見君子我心則喜菁菁者莪在彼中陵既見

君子錫我百朋汎汎楊舟楊木為舟載沉亦浮 載沉載浮既見

君子我心則休大雅十二篇曰行葦八章章四句言

忠厚也周家忠厚仁及草木故能內睦九族外尊事

黃耇養老乞言以成其福祿焉敦聚也 彼行道也 葦牛羊

勿踐履方苞方體形也 維葉泥泥初生貌 戚戚內相親也 兄弟

皇王天紀 卷二十八 六 魏生

莫遠具爾或肆陳也之筵或授之几老者加之以几肆筵設重也

席授几有緝猶續也御侍也或獻主曰獻或酢客曰酢洗爵奠

斝主疇客客奠而不舉醢醢以薦肉醢也或燔或炙嘉穀脾臠取也

或歌或嘏徒擊也敦畫也弓既堅四鍤矢也既鈞參亭已舍矢

既均中質也序賓以賢敦弓既句合而成規既挾四鍤四鍤

如樹言皆中也序賓以不侮皆賢也曾孫維主酒醴維醑厚也

酌以太斗長三尺以祈報也告也黃耇黃耇台背大老也背有台文

以引以翼在前日引在旁日翼壽考維祺吉也以介景大福也大雅

十三篇曰既醉八章章四句言太平也醉酒飽德人

有士君子之行焉既醉以酒既飽以德既者盡其禮終其事君

子萬年介爾景福既醉以酒爾殽既將行也君子萬年

介爾昭明昭明有融長朗也高朗令善也終令終有俶始也

公尸嘉告其告維何籩豆靜嘉朋友攸攝攝以威儀

言相攝佐者以威儀也威儀孔昭君子有孝子孝子不匱永錫

爾類善也其類維何室家之壺廣也君子萬年永錫祚徹

嗣也其胤維何天被爾祿福也君子萬年景命有樸附也其

僕維何釐爾女士釐才也爾女士從以孫子大雅十四

篇曰鳧鷖五章章六句守成也太平之君子能持盈

守成神祇祖考安樂之也鳧鷖在涇公尸來燕來寧

鳧水鳥鷖鳥屬太爾酒既清爾殽既馨香之遠聞公尸燕

平則萬物衆多

飲福祿來成鳧鷖在沙

水旁也

公尸來燕來宜

宜其事也爾

酒既多

品齊多

爾殽既嘉

備而美

公尸燕飲福祿來為

厚為

孝子也

鳧鷖在渚公尸來燕來處

止也

爾酒既湑爾殽伊

脯公尸燕飲福祿來下鳧鷖在淥

水會也

公尸來燕來

宗

尊也

既燕于宗福祿攸降公尸燕飲福祿來崇

重也鳧

鷖在豐

山絕水也

公尸來止熏熏

和說也

旨酒欣欣

樂也

燔炙

芬芬

香也

公尸燕飲無有後艱

三十五年王居天位敬恭神人四夷賓服海內晏然百姓興於禮義囹圄空虛刑措不用四十餘年有唐虞氏之風焉是歲王崩謚曰康王子瑕立

昭王

六年甲午

十六年甲辰

二十六年甲寅

三十六年甲子

四十六年甲戌

五十一年王在位久不能強於政治風化稍衰有光

五色貫紫微井水溢是歲王征荆蠻軍旅涉漢梁敗

王及祭公隕于漢王右辛餘靡振王北濟反振祭公

王因是發疾崩謚曰昭王子滿立生五十年矣

論曰史有爲昭王以楚人不朝南征濟漢楚人密以膠舟進中流舟解王沒於水若是則楚有不可赦之罪嗣王所當寢苦枕戈誓弗與共天下者也愚觀穆王命君牙伯冏之文典雅弘奧克已求善蓋賢君也豈有忽棄君父而不動天下之兵以討荆楚者哉疑好事者爲之如堯幽囚舜野死之類也是以不取彼而取此

穆王

三年王旣除喪愍文武之道缺舉用賢才命君牙爲司徒國史叙君牙曰穆王命君牙爲周大司徒作君牙君牙王若曰嗚呼君牙惟乃祖乃父世篤忠貞服勞王家厥有成績紀于太常惟予小子嗣守文武成康遺緒亦維先王之臣克左右亂四方心之憂危若蹈虎尾涉于春冰今命爾予翼作股肱心膂績乃舊服無忝祖考弘敷五典式和民則爾身克正罔敢弗正民心罔中惟爾之中夏暑雨小民惟曰怨咨冬祁寒小民亦惟曰怨咨厥惟艱哉思其艱以圖其易民乃寧嗚乎丕顯哉文王謨丕承哉武王烈佑啓我後人咸以正罔闕爾惟敬明乃訓用奉若于先王對揚

文武之光命追配于前人王若曰君牙乃惟由先正
舊典時式民之治亂在茲率乃祖考之攸行昭乃辟
之有義命伯冏爲太僕國史叙冏命曰穆王命伯冏
爲周太僕正作冏命冏命王若曰伯冏惟予弗克于
德嗣先人宅丕后怵惕惟厲中夜以興思免厥愆昔
在文武聰明齊聖小大之臣咸懷忠良其侍御僕從
罔匪正人以旦夕承弼厥辟出入起居罔有不欽發
號施令罔有不臧下民祗若萬邦咸休惟予一人無
良實賴左右前後有位之士匡其不及繩愆糾繆格
其非心俾克紹先烈今予命汝作大正正于群僕侍

御之臣懋乃后德交修不逮慎簡乃僚無以巧言令
色便辟側媚其惟吉士僕臣正厥后克正僕臣謏厥
后自聖后德惟臣不德惟臣爾無昵于愉人克耳目
之官迪上以非先王之典非人其吉惟貨其吉若時
厥厥官惟爾大弗克祗厥辟惟予汝辜王曰嗚呼欽
哉永弼乃后于彝憲

五年甲申

十五年甲午

二十五年甲辰

三十五年甲寅王將征犬戎祭公謀父諫曰先王耀

德不觀兵夫兵戢而時動動則威觀則玩玩則無震
是以先王之於民也茂正其德而厚其性阜其財而
求其器用明利害之鄉以文脩之使之務利而辟害
懷德而畏威故能保世以滋大至于武王致戎于商
牧非務武也勤恤民隱而除其害也先王之制甸服
者祭侯服者禮賓服者享要服者貢荒服者王日祭
月祀時享歲貢終王有不祭則修意有不祀則修言
有不享則修文有不貢則修名有不王則修德序成
而有不至於是有刑不祭伐不祀征不享讓不貢告
不王布令陳辭而有不至則增脩於德無勤民於遠

是以近無不聽遠無不服今自大畢伯壬之終也犬
戎氏以其職來王天子曰予必以不享征之且觀之
兵無乃廢先王之訓而王幾頓乎吾聞犬戎樹敦率
舊德而守終純固其有以禦我矣王不聽遂征之得
四白狼四白鹿以歸由是荒服者不至周德始衰三
十六年東巡至鄭大駮之谷起春宵宮集諸方士言
神仙宮闕園林有紫府黃庭玉京金闕玉樹龜臺金
堂蜃閣青溪洞府瓊林之異於是王始好巡遊羸蜚
廉別子季勝之後有造父者得驊騮騏驎馼騮耳
八駿馬獻於王王大喜欲周行天下求神仙西巡狩

樂而忘返作白雲黃竹之歌天下愁怨潢池之東有
徐子偃者亦嬴姓也脩飾仁義諸夷歸之者三十六
國因僭稱王王聞之疾馳而歸造父爲御起諸侯之
師與荆楚合攻徐大破之偃王走死

論曰世傳徐偃王仁義人也夫仁義之人無
犯上之事無干時之慮今徐子朝諸侯僭王
號犯上干時亦已甚矣其及也宜豈惟徐偃
王爲然後世亦有之如天水隗囂尊禮賢士
坐談西伯自以爲仁義者也然卒至於殺身
亡宗蓋施小惠以爲仁立小節以爲義雖足
以欺惑愚衆於須臾亦終必亡而已矣若夫
由仁義行者必無敵於天下豈有兵敗國亡
而身死於人手哉

乃賜造父以趙城爲趙氏未幾王又將出祭公謀父
作祈招之詩以風王曰祈招之悒悒式昭德音思我
王度式如玉式如金勤民之力而無醉飽之心王感
而止命修詞令以懷諸侯以柔四夷周遂再安
四十五年甲子王寵盛姬爲作重壁之臺

五十年王居位久教化衰刑罰繁思有以清之乃作
呂刑國史敘呂刑曰穆王訓夏贖刑作呂刑呂刑惟

皇王九經卷之二
呂命王享國百年耄荒度作刑以詰四方王曰若古
有訓蚩尤惟始作亂延及于平民罔不寇賊鴟義姦
宄奪攘矯虔苗民弗用靈制以刑惟作五虐之刑曰
法殺戮無辜爰始淫爲劓剕椽黥越茲麗刑并制罔
差有辭民興胥漸泯泯焚焚罔中于信以覆詛盟雩
威庶戮方告無辜于上帝監民罔有馨香德刑發
聞惟腥皇帝哀矜庶戮之不辜報虐以威遏絕苗民
無世在下乃命重黎絕地天通罔有降格群后之逮
在下明明棐常鰥寡無蓋皇帝清問下民鰥寡有辭
于苗德威惟畏德明惟明乃命三后恤功于民伯夷

降典折民惟刑禹平水土主名山川稷降播種農殖
嘉穀三后成功惟殷于民士制百姓于刑之中以教
祗德穆穆在上明明在下灼于四方罔不惟德之勤
故乃明于刑之中率義于民棐彝典獄非訖于威惟
訖于富敬忌罔有擇言在身惟克天德自作元命配
享在下王曰嗟四方司政典獄非爾惟作天牧今爾
何監非時伯夷播刑之迪其今爾何懲惟時苗民匪
察于獄之麗罔擇吉人觀于五刑之中惟時庶威奪
貨斷制五刑以亂無辜上帝不蠲降咎于苗苗民無
辭于罰乃絕厥世王曰嗚呼念之哉伯父伯兄仲叔

季弟幼子童孫皆聽朕言庶有格命今爾罔不由慰
日勤爾罔或戒不勤天齊于民俾我一日非終惟終
在人爾尚敬逆天命以奉我一人雖畏勿畏雖休勿
休惟敬五刑以成三德一人有慶兆民賴之其寧惟
永王曰吁來有邦有土告爾祥刑在今爾安百姓何
擇非人何敬非刑何度非及兩造具備師聽五辭五
辭簡孚正于五刑五刑不簡正于五罰五罰不服正
于五過五過之疵惟官惟反惟內惟貨惟來其罪惟
均其審克之五刑之疑有赦五罰之疑有赦其審克
之簡孚有衆惟貌有稽無簡不聽具嚴天威墨辟疑

赦其罰百鍰閱實其罪剝辟疑赦其罰惟倍閱實其
罪判辟疑赦其罰倍差閱實其罪宮辟疑赦其罰六
百鍰閱實其罪大辟疑赦其罰千鍰閱實其罪墨罰
之屬千劓罰之屬千剕罰之屬五百宮罰之屬三百
大辟之罰其屬二百五刑之屬三千上下比罪無僭
亂辭勿用不行惟察惟法其審克之上刑適輕下服
下刑適重上服輕重諸罰有權刑罰世輕世重惟齊
非齊有倫有要罰懲非死人極于病非佞折獄惟良
折獄罔非在中察辭于差非從惟從哀敬折獄明啓
刑書胥占咸庶中正其刑其罰其審克之獄成而孚

皇王九經卷二十八
輸而孚其刑上備有弁兩刑王曰嗚呼敬之哉官伯
族姓朕言多懼朕敬于刑有德惟刑今天相民作配
在下明清于單辭民之亂罔不中聽獄之兩辭無或
私家于獄之兩辭獄貨非寶惟府辜功報以庶尤永
畏惟罰非天不中惟人在命天罰不極庶民罔有令
政在于天下王曰嗚呼嗣孫今往何監非德于民之
中尚明聽之哉哲人惟刑無疆之辭屬于五極咸中
有慶受王嘉師監于茲祥刑

論曰攷呂刑則墨劓剕宮大辟乃苗民所作
五虐之刑也苗民坐是以終世而先王亦遵

用之者以是五刑治怙終之人蓋五刑之極
刑也賊人之肌體而絕其命一成而不可變
故君子盡心焉穆王耄荒德雖下衰然能曲
盡典獄之情僞以訓戒天下後世其仁民之
意厚矣孔子所以有取也亦不得中行而與
之故思狂狷之意歟

五十五年甲戌王崩於祗宮謚曰穆王子繫扈立

恭王

十年甲申

十二年王崩謚曰恭王子鱄立

懿王

元年自王為政王室始衰徙都槐里

八年甲午

十八年甲辰齊侯不辰丁公會孫也是為哀公齊國

風首篇曰鷄鳴三章章四句思賢妃也哀公荒淫怠

慢故陳賢妃貞女夙夜警戒相成之道焉鷄既鳴矣

朝既盈矣鷄鳴而夫人作匪鷄則鳴蒼蠅之聲有似遠鷄

之鳴東方明矣朝既昌矣東方明則夫人纒笄而朝朝已昌盛則君聽朝匪東

方則鳴月出之光見月光以為東方明蠱飛薨薨甘與子同夢

會且歸矣無庶予子憎無使衆人以我故而憎子齊國風二篇曰

還三章章四句刺荒也哀公好畋獵從禽獸而無厭

國人化之遂成風俗習於畋獵謂之賢閑於馳逐謂

之好焉子之還兮便捷之貌遭我乎狝之間兮竝併驅

從兩肩獸三歲曰肩兮揖我謂我儂兮利也子之茂兮美也遭

我乎狝之道兮竝驅從兩牡兮揖我謂我好兮子之

昌兮盛也遭我乎狝之陽兮竝驅從兩狼兮揖我謂我

臧兮齊國風三篇曰著三章章三句刺時也時不親

迎也俟我於著門屏之間也乎而充耳以素象乎而尚之

以瓊華美石士之服也乎而俟我於庭乎而充耳以清青乎

而尚之以瓊瑩石似玉卿大夫之服乎而俟我於堂乎而充耳

以黃黃玉乎而尚之以瓊英石似玉人君之服乎而齊國風四

篇曰東方之日二章章五句刺哀也君臣失道男女

淫奔不能以禮化也東方之日兮興君明盛故日其彼姝

初婚之貌者子在我室兮在我室兮履禮也我即兮就也東方

之月兮彼姝者子在我闥兮興臣之明在我闥兮履我發

兮行也齊國風五篇曰東方未明三章章四句刺無節

也朝廷興居無節號令不時挈壺氏不得掌其職焉

東方未明顛倒衣裳上日衣下日裳顛之倒之自公召之東

方未晞明之始升顛倒裳衣倒之顛之自公令之折柳樊

圃折柳以藩圃無益於禁狂夫瞿瞿無守之貌不能辰時也夜不夙早也

則莫晚也

二十五年王崩謚曰懿王恭王之弟辟方立

皇王大紀卷第二十八畢

皇王大紀卷第二十九

三王紀

孝王

三年甲寅惡來之後有非子者大丘好馬畜善養息
之王命主馬於汧渭之間馬大蕃息王邑之秦為附
庸使續伯益之後號秦王之世大電江漢冰牛馬死
十三年甲子

十五年王崩謚曰孝王公卿諸侯立懿王太子燹

夷王

元年先王之制諸侯朝于天子天子不下堂王始下

堂而見諸侯王室浸衰諸侯相侵伐或不來朝八年
甲戌荆熊繹之五世孫曰熊渠甚得江漢民和於是
西伐庸東侵楊粵拓地至于鄂立其三子自為王居
江上宋微仲曾孫潛公共舍長子弗父何而立弟熙
潛公薨熙為君弟鮒弑之以國授弗父何弗父何弗
受鮒自立衛頃公康叔之七世孫也衛首壞王制并
邶鄘之地邶國風首篇曰柏舟五章章六句言仁而
不遇也衛頃公之時仁人不遇小人在側汎彼柏舟
柏宜為舟者汎流貌亦汎其流言不以濟渡也耿耿不寐如有隱憂微
我無酒以遨以遊我心匪鑿不可以茹度也亦有兄弟

不可以據依也薄言往愬逢彼之怒我心匪石不可轉

也石雖堅尚可轉我心匪席不可卷也席雖平尚可卷威儀棣棣富而

也閑習也不可選也數也憂心悄悄憂貌愠愠怒也于群小覲閔病也

既多受侮不少靜言思之寤辟拊心有標拊心日居月

諸胡迭而微心之憂矣如匪澣衣如衣之不澣靜言思之

不能奮飛頃公薨子僖侯嗣

十六年王崩謚曰夷王子胡立

厲王

二年甲申

十二年甲午大雅十九篇曰民勞五章十句召穆公

刺厲王也民亦勞止汔危也或幾也可小康惠此中國以

綏四方無縱詭隨以謹無良詭人之善隨人之惡慎小以懲大也式遏

寇虐曾也憐也不畏明柔遠能邇以定我王民亦勞止汔

可小休惠此中國以為民逖合也聚也無縱詭隨以謹憐

恟大亂也式遏寇虐無俾民憂無弃爾勞以為王休民

亦勞止汔可小息惠此京師以綏四國無縱詭隨以

謹罔極式遏寇虐無俾作慝惡也敬慎威儀以近有德

民亦勞止汔可小愒息也惠此中國俾民憂泄去也無縱

詭隨以謹醜衆也或厲惡也式遏寇虐無俾正敗戎猶女也雖小子而式用也弘大民亦勞止汔可小安惠此中

國國無有殘無縱詭隨以謹繾綣反覆也式遏寇虐無

俾正反王欲玉女是用大諫凡伯周公之胤也為王

卿士大雅大雅二十篇曰板八章章八句凡伯刺厲

王也上帝君也板板反也下民卒瘁病也勞也出話善言也不然

不行也為猶道也不遠靡聖管管無所依也不實於亶誠也猶高也

之未遠是用大諫天之方難無然憲憲猶欣也天之方

蹶動也無然泄泄猶沓也辭之輯和也矣民之洽矣合也辭之

懌矣說也民之莫定也矣我雖異事及爾同寮我即爾謀

聽我囂囂猶警也我言維服事也勿以為笑先民有言詢

于芻蕘薪采也天之方虐無然詭詭老夫灌灌猶款也小

子躄躄躄躄貌匪我言耄老耄也爾用憂譖多將焯焯熾盛也

不可救藥天之方瘳無爲夸毗威儀卒迷善人載尸

民之方殿呻吟也屎則莫我敢葵喪亂蔑資無則也曾莫

惠我師天之牖道也民如堦如筮相和也如璋如圭相合也

如取如攜言必從也攜無曰益牖民孔易民之多辟無自

立辟法也价善也人維藩屏也大師維垣牆也大邦維屏大宗

維翰王者天下之大宗幹也懷德維寧宗子維城無俾城壞無

獨斯畏敬天之怒無敢戲豫逸豫也敬天之渝無敢馳

驅自恣也昊天曰明及爾出王往也昊天曰旦及爾游衍

游溢也二十二年甲辰大雅二十一章章八句召

穆公傷周室大壞也厲王無道天下蕩蕩無綱紀文

章故作是詩也蕩蕩上帝託言也下民之辟君也疾威苦也

人民也上帝其命多辟天生烝民其命匪諶誠也靡不有

初鮮克有終文王曰咨咨汝殷商曾是疆強梁也禦奪也

曾是培克曾是在位位列也曾是在服服五也天降滔慢也德女

興是力文王曰咨咨汝殷商而秉義類疆禦多對懟流

言以對遂也冠穰式內侯作侯祝詛祝也靡屆靡究文王

曰咨咨汝殷商女魚休猶彭亨也于中國歛怨以爲德不

明爾德時無背無側後無臣側也爾德不明以無陪無

卿無陪貳無卿士也文王曰咨咨汝殷商天不洎爾以酒不

義從式既愆爾止靡明靡晦式號式呼俾晝作夜文

王曰咨咨女殷商如蜎如蜎如蟾如沸如羹小大近喪人

尚乎由行曩不醉而怒曰曩于中國覃及鬼方遠也文王曰咨

咨女殷商匪上帝不時殷不用舊雖無老成人尚有

典刑曾是莫聽大命以傾文王曰咨咨女殷商人亦

有言顛沛什也拔也之揭見根枝葉未有害本實先撥猶絕

也殷鑒不遠在夏后之世陳胡公四世孫幽公寧立

陳國風首篇曰宛丘三章章四句刺幽公也淫荒昏

亂游蕩無度馬子之湯蕩也兮宛丘四方高中之上兮

洵信也有情兮而無望兮坎擊鼓聲其擊鼓宛丘之下無

冬無夏值持也其鷺羽舞者所持之翳以鷺羽為之坎其擊缶缶也宛

丘之道無冬無夏值其鷺翮翮也陳國風二篇曰東門

之枌三章章四句疾亂也幽公淫荒風之所行男女

棄其舊業亟會於道路歌舞於市井爾東門之枌白榆

也宛丘之栩杼也國子仲陳大夫氏之子婆娑舞也其下穀

也旦于差擇也南方之原原大夫氏不績其麻市也婆娑穀

也旦于逝越以駸數也邁行也視爾如菽菽也貽我握椒芬香

二十六年衛僖侯薨世子共伯蚤死其弟和嗣能修

康叔之政百姓安集大雅二十二篇抑十二章三章

章八句九章章十句衛武公刺厲王亦以自警也抑

抑密也審也威儀維德之隅廉也人亦有言靡哲不愚固

道則智無道則愚庶人之愚亦職王也維疾哲人之愚亦維斯

矣罪也無競競也維人四方其訓之有覺直也德行四國順

之訐大謨也定命遠猶道也辰時也告敬慎威儀維民之

則其在于今興迷亂于政顛覆厥德荒湛于酒女雖

湛樂從弗念厥紹繼也罔敷求先王克共明刑共執刑法也

肆皇天弗尚如彼泉流無淪率也胥以亡夙興夜寐洒

掃庭內維民之章表也修爾車馬弓矢戎兵用戒戎作

用遏遠也蠻方質成也爾人民謹爾侯度用戒不虞非度也

慎爾出話善言也敬爾威儀無不柔嘉白圭之玷尚可

磨也斯言之玷不可為也無易由言無曰苟矣莫捫

持也朕舌言不可逝矣無言不讎用也無德不報惠于朋

友庶民小子子孫繩繩萬民靡不承視爾友君子輯

和也柔爾顏不遐有愆相在爾室尚不媿于屋漏西北隅謂

之屋漏或曰屋小帳也漏隱也無曰不顯莫予云覲神之格至也思不

可度思矧可射思辟法也爾為德俾臧俾嘉淑慎爾止

至也不愆于儀不僭差也不賊鮮不為則投我以桃報之

以李彼童而角童羊之無角者而角自用也實虹貴也亂也小子荏染

柔木

柔忍之木

言緝

神也

之緣温温恭人維德之基其維哲

人告之話言

善言也

順德之行其維愚人覆

反也

謂我僭

不信也

民各有心於乎小子未知臧否匪手攜之言示

之事匪面命之言提其耳借

假也

曰未知亦既抱子民

之靡盈誰夙

早也

知而莫

晚也

成昊天孔昭我生靡樂視

爾夢夢

亂也

我心慘慘

不樂也

誨爾諄諄聽我藐藐

不入也

匪用為教覆用為虐借曰未知亦聿既耄

老也

於乎小

子告爾舊止聽用我謀庶無大悔天方艱難曰喪厥

國取誓不遠昊天不忒回遹其德俾民大棘鄙國風

首篇曰栢舟二章章七句共姜自誓也衛世子共伯

早死其妻守義父母欲奪而嫁之誓而弗許故作是

詩以絕之汎彼栢舟在彼中河髡

兩髡之貌

彼兩髦

髮至眉子

事父母之飾

實維我儀

匹也

之死矢靡它

至死誓無它心

母也天

父也

只不諒

信也

人只汎彼栢舟在彼河側髡彼兩髦實維

我特

匹也

之死矢靡慝

邪也

母也天只不諒人只

二十八年齊侯山薨哀公母弟也謚曰獻侯

二十一年王說榮夷公芮良夫曰榮夷公好專利而

不知大難夫利百物之所生也天地之所載也王人

導利而布之上下使神人百物無不得其極猶曰恐

懼怨之來也今王學專利而不辟大難其可也匹夫

專利猶謂之盜王而行之其歸鮮矣王卒以榮夷公

為卿士政益暴虐大雅二十三篇曰桑柔十六章八

章章八句八章章六句芮伯刺厲王也苑茂也彼桑柔

其下侯大旬也均也言陰也捋采其劉殺也瘼病也此下民不殄

絕大除也心憂倉創也兄滋也填兮塞也倬明大貌彼昊天寧不

我矜四牡騤騤不息也旃旒有翩行不亂貌生不夷平也靡

國不泯滅也民靡有黎齊也具俱也禍以燼災餘也於乎有哀

國步斯頻急也國步蔑資基也天不我將靡所止疑定也云

但何往君子實維秉心無競強也誰生厲惡也階至今為

梗病也憂心慙慙念我土宇我生不辰逢天俾厚也怒自

西徂東靡所定處多我覲瘠孔棘我圉垂也為謀為毖

慎也亂况斯削告爾憂恤誨爾序爵誰能執熱逝不以

濯濯所以救熱禮所以救亂其何能淑載胥及溺如彼遡鄉也風以

孔之僂邑也不能舒息也民有肅心莽使也云不逮好是嫁穡

力民代食稼穡維寶代食維好天降喪亂滅我立王

降此蟲賊虫食根曰蟲食節曰賊稼穡卒盡也痒病也哀恫痛也中國

具贅連屬也卒荒虛也靡有旅力以念穹蒼維此惠君民

人所瞻秉心宣偏也猶謀也考慎其相質也或曰維彼不

順自獨俾臧使人謂我善也自有肺腸俾民卒狂瞻彼中林

牲牲衆多成群也其鹿朋友以譖不胥以穀相欺背不以善相與人

亦有言進退維谷

集也

維此聖人瞻言百里

遠慮也

維彼

愚人覆狂以喜匪言不能胡斯畏忌維此良人弗求

弗迪

進也

維彼忍心是頤是復民之貪亂寧為荼毒大

風有隧

道也

有空大谷維此良人作為式穀維彼不順

征以中垢

言闇冥也

大風有隧貪人敗類

言如醉匪用其良覆

反也

俾我悖嗟爾朋友予豈不知

而作如彼飛蠱時亦弋獲既之陰女反予來赫

炙也

民

知罔極職涼

薄也

善背為民不利如云不克民之回適

職競用利民之未戾

定也

職盜為寇涼曰不可覆背善

詈雖曰匪予既作爾歌

三十二年甲寅

三十四年時荆楚寇於南獫狁寇於北淮夷寇於東

命虢公征之不克徵歛數起虐用其民民不堪命聚

議而興謗召穆公以告王怒得衛巫使糾謗者收殺

之人莫敢言道路以目王喜曰吾能弭謗矣穆公對

曰古者天子聽政使公卿至于列士獻詩瞽獻典史

獻書師箴瞽賦矇誦百工諫庶人傳語近臣盡規親

戚補察瞽史教誨耆艾修之而後王斟酌焉是以行

事而不悖民之有口猶土之有川也川壅而潰傷人

必多民亦如之是故善為川者決之使導善為民者

宣之使言今王障之其與能幾何王不聽

三十七年京師憤憤王無所容乃流于彘在汾水之

上實河東永安天下莫與太子靜保于召穆公之宮

穆公素得民心與周公奉太子監國訓諭國人國人

乃定二伯行政謂之共和諸侯相侵伐或朝或不朝

三十八年晉虞叔六世孫司徒立是為僖公唐國風

首篇曰蟋蟀三章章八句刺晉僖公也儉不中禮故

作是詩以閔之欲其及時以禮自娛樂也此晉也而

謂之唐本其風俗憂深思遠儉而禮乃有堯之遺風

馬蟋蟀也在堂九歲聿也其莫今我不樂日月其除

去也無已甚也太康樂也職主也思其居好樂無荒大也良士瞿

瞿瞿瞿然顧禮義也蟋蟀在堂歲聿其逝今我不樂日月其

邁無已太康職思其外禮樂之外好樂無荒良士蹶蹶動

敏於事蟋蟀在堂役車其林今我不樂日月其怡過也無

已大康職思其憂何者憂好樂無荒良士休休樂道之心秦

非子曾孫仲好賢用兵攻奪西戎地其邑始大秦國

風首篇曰車鄰美秦仲也秦仲始大有車馬禮樂侍

御之好馬有車鄰鄰衆車聲有馬白顛顛的顛也未見君子

寺人內臣小之令阪阪者日阪有漆隰有栗既見君子並坐

鼓瑟又見其禮樂馬今者不樂逝者其耄老也阪有桑隰有陽

既見君子並坐鼓簧笙也今者不樂逝者其亡喪棄也

四十二年甲子王在彘

五十一年王死于彘謚曰厲王周召二伯知太子之

有志也遂奉太子即位是歲旱

皇王大紀卷第二十九畢

皇王大紀卷第三十

三王紀

宣王

元年甲戌

二年天下大旱

三年旱

四年旱

五年旱

六年大旱大雅二十四篇曰雲漢八章章十句仍叔

美宣王也宣王承厲王之烈內有撥亂之志遇裁而

懼側身脩行欲銷去之天下喜於王化復行百姓見

憂故作是詩也倬彼雲漢天河也昭回轉也于天王曰於

乎何辜今之人天降喪亂饑饉薦重也臻至也靡神不舉

靡愛斯牲圭璧既卒寧莫我聽早既太甚言暑也蘊言暑也隆

言雷也蟲蟲言熱也不殄絕也禋祀自郊徂宮上下奠瘞靡

神不宗上天下地奠禮瘞物宗尊也后稷不克上帝不臨耗斁下

土寧丁當也我躬早既大甚則不可推去也兢兢恐也業業

危也如霆如雷周餘黎民靡有孑遺昊天上帝則不我

遺胡不相畏先祖于摧至也早既大甚則不可沮止也赫

赫旱氣炎炎熱氣云我無所大命近止靡瞻靡碩群公先

正百辟卿士也則不我助父母先祖胡寧忍予早既太甚

滌滌山川旱氣山無木川無水也早魃旱神也為虐如暎燎之也如

焚我心憚勞也暑憂心如熏灼也群公先正則不我聞昊

天上帝寧俾我遜早既太甚黽勉畏去胡寧瘖病也我

以旱憯不知其故祈年孔夙方社不莫昊天上帝則

不我虞敬恭明神宜無悔恨也怒早既太甚散無正紀

鞠哉庶正夜哉冢宰趣馬師氏膳夫左右歲凶則殺禮百官祿

餼不足矣靡人不周救也無不能止瞻印昊天云如何里或云

憂也瞻印昊天有嘒衆星貌其星大夫君子昭假正羸大

命近止無棄爾成何求為我以戾止也庶正瞻印昊天

曷惠其寧大雅二十五篇曰崧高八章章八句尹吉

甫美宣王也天下復平能建國親諸侯褒賞申伯焉

崧高維嶽駿大極也于天維嶽降神生甫及申維申及

甫維周之翰也四國于蕃四方于宣疊疊申伯王纘

之事于邑于謝周之南國也南國是式王命召伯定申伯

之宅登成也是南邦世執其功事也王命申伯式是南邦

因是謝人以作爾庸城也王命召伯徹治也申伯土田王

命傳御治事之官也遷其私人家人也申伯之功召伯是營有

俶作也其城寢廟既成既成藐藐高美貌也王錫申伯四牡

躑躑壯貌也鉤膺樊纓也濯濯光明也王遣申伯路車乘馬四馬

也我圖爾居莫如南土錫爾介圭以作爾寶徃近也

王舅申伯宣王之舅南土是保申伯信邁王餞于郟申伯還

南謝于誠歸王命召伯徹申伯土疆以峙其粳式遄

其行申伯番番武勇也既入于謝徒御嘽嘽喜樂也安舒也周

邦咸喜戎有良翰不不也顯申伯王之元舅文武是憲

有文有武可為文武申伯之德柔惠且直操此萬邦聞于四國

吉甫作誦其詩孔碩其風肆長也好以贈申伯王以樊

侯仲山甫為相大雅二十六篇曰烝民八章章八句

尹吉甫美宣王也任賢使能周室中興焉天生烝衆也

民有物事也有則法也民之秉彝常也好是懿美也德天監有

周昭假于下保茲天子生仲山甫仲山甫之德柔嘉

維則令儀令色小心翼翼古故訓也是式威儀是力

天子是若順也明命使賦布也王命仲山甫式是百辟績

戎大也祖考王躬是保出納王命王之喉舌冢宰也賦政

于外四方爰發肅肅王命仲山甫將行也之邦國若否

仲山甫明之既明且哲以保其身夙夜匪懈以事一

人人亦有言柔則茹之剛其吐之維仲山甫柔亦不

茹剛亦不吐不侮矜寡不畏疆禦人亦有言德輶如

毛輕也民鮮克舉之我儀宜也圖之維仲山甫舉之愛隱也

或曰借也莫助之袞君之職也有闕維仲山甫補之仲

山甫出祖四牡業業言高也征夫捷捷言樂也每懷靡及

四牡彭彭盛也八鸞鏘鏘鳴聲也王命仲山甫城彼東方四

牡騤騤八鸞喈喈仲山甫徂齊式遄其歸言周人望其速回也

吉甫作誦穆如清風清微之風養萬物者也仲山甫永懷以慰

其心大雅二十七篇曰韓奕六章章十二句尹吉甫

美宣王也能錫命諸侯奕奕梁山維禹甸治也之有倬

其道有倬如之道韓侯受命王親命之績戎大也祖考無廢

朕命夙夜匪懈虔共固執也爾位朕命不易幹不庭直方也

方以佐戎辟四牡奕奕孔脩長也且張大也韓侯入覲以

其介圭入覲于王王錫韓侯淑善也旂綏章所引以登者有綏章也

也也簞第車蔽也錯衡文衡也玄衮赤舄鈎膺樊纓也鏤錫上眉

曰錫金之當鞞鞞革鞞中也淺帟虎皮覆式也倮革倮也金厄也

烏蠋也韓侯出祖出宿于屠地名顯父有顯德者餞之清酒百

壺其殺維何包鼈鮮魚其藪菜殺也維何維筍及蒲也

其贈維何乘車路馬籩豆有且多貌侯氏燕胥皆也韓侯

取妻汾王大也或云指厲王也之甥蹶父卿士也之子韓侯迎止

于蹶之里百兩彭彭八鸞鏘鏘不不字顯其光諸娣從

之祁祁徐靚也如雲韓侯顧之爛其盈門蹶父姑蹶父姓也

孔武靡國不到為韓姑相攸莫如韓樂孔樂韓土川

澤訏訏大也魴鱟甫甫大也麇鹿嘒嘒衆也有熊有羆有猫

有虎慶既令居韓姑燕譽溥大也彼韓城燕安也師衆也所

完以先祖受命因時百蠻王錫韓侯其追其貊奄受

百國韓侯之先武王之子也長是蠻服之百國奄撫戎狄追貊之國因以其伯實實是也

是也墉實壑溝也實畝實籍獻其貔皮赤豹黃羆皆猛獸也大

雅二十八篇曰江漢六章章八句尹吉甫美宣王也

能興衰撥亂命召公平淮夷江漢浮浮廣強貌武夫滔

滔匪安匪遊淮夷來求既出我車既設我旗匪安匪

舒淮夷來鋪病也江漢湯湯武夫洸洸武貌經營四方告

成于王四方既平王國庶定時靡有爭王心載寧江

漢之訥水涯也王命召虎式辟四方徹我疆土匪疚病也

匪棘也急王國來極也中于疆于里至于南海王命召虎

來也勤旬也營來宣也偏文武受命召公維翰無曰予小子

召公是似也嗣肇也謀敏也疾戎也大公也事用錫爾祉釐也賜爾

圭瓚秬鬯一卣也酒一器也告于文人錫山土田于周

受命自召祖命虎拜稽首天子萬年虎拜稽首對也遂

揚王休作召公考也成天子萬年明明天子令聞不已

矢也弛其文德洽此四國大雅二十九篇曰常武六章

章八句召穆公美宣王也有常德以立武事因以戒

馬赫赫明明王命卿士南仲大祖大師皇父釐我六

師以脩我戎既敬既戒惠此南國王謂尹氏命程伯

休父左右陳行戒我師旅率彼淮浦省此徐土不留

不處三事就緒也誅其君吊其民為赫赫業業也動有嚴

天子王舒也徐保也安作匪紹匪遊也傲遊也徐方繹騷

震驚徐方如雷如霆徐方震驚王奮厥武如震如怒

進厥虎臣闞如虢虎鋪敦淮漬也陳屯其兵於仍執醜

虜截也治彼淮浦王師之所王旅單單也盛貌如飛如翰如

江如漢如山之苞如川之流緜緜翼翼也敬也不惻不

克濯也大征徐國王猶也謀允塞徐方既來徐方既同天

子之功四方既平徐方來庭徐方不回王曰還歸重

黎羲和世叙天地掌四嶽之祀述諸侯之職陶虞之

皇正紀 卷三十一 六 后

時姜氏爲四伯歷虞夏商不失其守至周有甫有申
有齊有許皆其苗胄也程伯休父始爲大司馬馬王
嘗視朝而宴姜后脫簪珥待罪于永巷王退朝使傅
姆請曰王樂慾而不崇德棄禮而怠於政亂之興自
妄始妾豈能受天下之誅願賜以死王愀然變色使
命后曰是寡人之過也夙興夜寐勤於政事厲王之
時鹿鳴廢而和樂闕矣常棣廢而兄弟闕矣伐木廢
而朋友闕矣四牡廢而君臣闕矣皇皇者華廢而忠
信闕矣天保廢而福祿闕矣采芣廢而征伐闕矣出
車廢而功力闕矣杖杜廢而師衆闕矣魚麗廢而法

度闕矣南陔廢而孝友闕矣白華廢而廉恥闕矣華
黍廢而蓄積闕矣由庚廢而陰陽失其道理矣南有
嘉魚廢而賢者不安下不得其所矣崇丘廢而萬物
失其道理矣蓼蕭廢而恩澤乖矣湛露廢而萬國離
矣彤弓廢而諸夏衰矣菁菁者莪廢而無禮儀矣小
雅盡廢故四夷交侵中國微矣小雅二十三篇曰六
月六章章八句宣王北伐也六月樓樓簡閱貌戎車旣
飭四牡駉駉載是常服日月爲常服戎服獫狁孔熾我是用

急王于出征以匡王國比物四驪閑之維則物是毛物也則
法也言先教戰維此六月旣成我服我服旣成于三十里師行

三十王于出征以佐天子出征以佐天子四牡脩廣其大

有顛貌大薄伐獫狁以奏為也膚大也公功也有嚴咸也有翼敬也

共武之服以定王國獫狁匪茹整居焦獲周地接侵

鎬當為及方至于涇陽織文鳥章白旆繼旆也央央鮮

貌元戎十乘以先啓行戎車既安如輕如軒從後視

從前視四牡既佶壯健既佶且閑薄伐獫狁至于太

原文武吉甫萬邦為憲吉甫燕喜既多受祉來歸自

鎬我行永乂飲御進也諸友息舊魚鼈鱧鯉侯維也誰在矣

張仲孝友荆楚盛強王命方叔帥車三千乘征之楚

人震恐去王號小雅二十四篇曰采芑四章章十二

句宣王南征也薄言采芑芑菜也于彼新田于此菑畝

言宣王能新美方叔涖止其車三千師干之試方叔

受命為將臨方叔率止乘其四騏四騏翼翼路車有

奭亦貌箎箎魚服鉤膺樊纓也倬革垂也薄言采芑于彼

新田于此中鄉方叔涖止其車三千旂旐央央方叔

率止約軼錯衡未軼約八鸞瑒瑒吉也服其命服朱芾

斯皇有瑒聲也葱蒼也珩三命駉彼飛隼其飛戾天亦集

爰止方叔涖止其車三千師干之試方叔率止鉦人

伐鼓鉦以靜之陳師鞠告也旅顯允方叔伐鼓淵淵

也聲也振旅闐闐蠢動也爾蠻荆大邦為讎方叔元老克壯

醴

十年陳侯薨謚曰幽公子孝嗣是為僖公陳國風三

篇曰衡門三章章四句誘僖公也愿而無立志故作

是詩以誘掖其君也橫木為門言淺陋也衡門之下可以棲遲

遊息也泌泉水也之洋洋廣大也可以樂饑樂道忘饑豈其食魚

必河之魴豈其娶妻必齊之姜豈其食魚必河之鯉

豈其娶妻必宋之子陳國風四篇曰東門之池三章

章四句刺時也疾其君之淫昏而思賢女以配君子

也東門之池可以漚麻彼美淑姬可與晤遇也對也歌東

門之池可以漚紵彼美淑姬可與晤語東門之池可

以漚菅彼美淑姬可以晤言陳國風五篇曰東門之

楊三章章四句刺時也昏姻失時男女多違親迎女

猶有不至也東門之楊其葉牂牂盛貌昏以為期明星

煌煌東門之楊其葉肺肺亦盛貌昏以為期明星晢晢

十一年甲申小雅二十七篇曰鴻鴈三章章六句美

宣王也萬民離散不安其居而能勞來還定安集之

至于鰥寡無不得所焉鴻鴈于飛大曰鴻小曰鴈蕭蕭其羽

羽聲之子侯伯卿士于征劬勞于野爰及於人哀此鰥寡鴻

鴈于飛集于中澤之子于垣百堵皆作六尺為板五板為堵雖

則劬勞其究安宅鴻鴈于飛哀鳴嗻嗻維此哲人謂

我劬勞維彼愚人謂我宣

也示驕秦仲戰死於西戎破

之自厲王之流籍田禮廢虢文公言於王曰民之大
事在農上帝之粢盛於是乎出民之蕃庶於是乎生
事之供給於是乎在和協輯穆於是乎興財用蕃殖
於是乎始敦龐純固於是乎成今天子脩先王之緒
而棄其大功匱神乏祀而困民之財將何以求福用
民王不能從

十二年初魯侯伯禽薨子考公首無子立弟煬公熙
自熙至魯侯敖子弟更立六世矣是年敖來朝以其
子括與戲見王王欲立戲仲山甫曰不可不順必犯

犯命必誅故出令不可不順也行而不順民將棄上
夫下事上少事長所以爲順也今建其少是教逆也
若魯從之諸侯効之王命將有所壅若其不從而誅
之是自誅也是事也誅亦失不誅亦失夏魯侯歸而
薨謚曰武公王卒立戲是後諸侯多不遵先王之制
矣齊侯無忌暴虐不道國人殺之謚曰厲公立其子
赤赤誅殺厲公者七十人

十六年晉侯費立僖公之孫也徙都于絳

二十一年甲午小雅二十八篇曰庭燎三章章五句

美宣王也因以箴之夜如何其夜未央庭燎也大燭也之

光光也君子至止鸞聲將將夜如何其夜未艾艾末也

燎晰晰明也君子至止鸞聲噦噦夜如何其夜鄉晨庭

燎有輝光明微也君子至止言觀其旂小雅二十九篇曰

沔水三章二章章八句一章六句規宣王也沔彼流

水朝宗于海水猶有所朝宗也駝彼飛隼載飛載止嗟我兄

弟同姓也邦人諸友異姓也莫肯念亂誰無父母沔彼流

水其流湯湯言放縱無所歸也駝彼飛隼載飛載揚念彼不

迹不循道也載起載行心之憂矣不可弭止也忘駝彼飛隼

率彼中陵民之訛言寧莫之懲我友敬矣讒言其興

小雅三十篇曰鶴鳴二章章九句誨宣王也鶴鳴于

九臯深遠之澤也聲聞于野魚潛在淵或在于渚樂彼之

園爰有樹檀其下維穉他山之石可以為錯石錯可以琢玉

鶴鳴于九臯聲聞于天魚在于渚或潛在淵樂彼之

園爰有樹檀其下維穀惡木他山之石可以攻玉魯人

奉括之子伯御弑其君戲謚曰懿公

二十二年王封母弟友于鄭錫之祊田為巡狩助祭

泰山湯沐之邑

二十三年晉侯伐條

三十年有兔舞于鎬京

三十一年甲辰小雅三十一篇曰祈父三章章四句

刺宣王也祈父

司馬也祈圻畿同

予王之爪牙胡轉予于恤

靡所止居祈父予王之爪士胡轉予于恤靡所底止

祈父亶不聰胡轉予于恤有母之尸饗小雅三十二

篇曰白駒四章章六句大夫刺宣王也皎皎白駒宣

之未賢者有乘白駒而去者

食我場苗繫之維之以永今朝所謂

伊人於馬逍遙皎皎白駒食我場藿繫之維之以永

今夕所謂伊人於馬嘉客皎皎白駒賁然來思爾公

爾侯逸豫無期慎爾優游勉爾遁思皎皎白駒在彼

空谷生芻一束其人如玉毋金玉爾音而有遐心小

雅三十三篇曰黃鳥三章章七句刺宣王也黃鳥黃

鳥無集于穀無啄我粟此邦之人不我肯穀言旋言

歸復我邦族黃鳥黃鳥無集于桑無啄我梁此邦之

人不可與明言旋言歸復我諸兄黃鳥黃鳥無集于

栩無啄我黍此邦之人不可與處言旋言歸復我諸

父小雅三十四篇曰我行其野三章章六句刺宣王

也我行其野蔽芾其樛惡木也昏姻之故言就爾居爾

不我蓄復我邦家我行其野言采其蓬惡菜也昏姻之

故言就爾宿爾不我畜言歸期復我行其野言采其

蒿亦惡菜也不思舊姻求爾新特外昏成不以富亦祗以異

小雅三十五篇曰斯于九章四章章七句五章章五

句宣王考室也秩秩流行也斯干澗也幽幽南山如竹苞

矣如松茂矣兄及弟矣式相好矣無相猶道也矣似

也嗣續妣祖築室百堵西南其戶爰居爰處爰笑爰語

約縮板也之閣閣椽椽土也之橐橐風雨攸除鳥鼠攸去君

子攸芋大也如跂斯翼如矢斯棘如鳥斯革如翬斯

飛君子攸躋殖殖平正也其庭有覺其大楹噲噲其正

噦噦其冥正晝冥夜也君子攸寧下莞蒲席也上簟竹也乃安

斯寢乃寢乃興乃占我夢吉夢維何維熊維羆維虺

維蛇大人占之維熊維羆男子之祥維虺維蛇女子

之祥乃生男子載寢之牀載衣之裳載弄之璋晝曰衣正

之飾也半圭曰璋臣之職也其泣嗶嗶朱芾斯皇芾天子純朱諸侯黃室家

君王乃生女子載寢之地載衣之裼載弄之瓦裼祿也夜

衣也瓦無非無儀唯酒食是議無父母詒惟小雅三

十六篇曰無羊四章章八句宣王考牧也誰謂爾無

羊三百維群誰謂爾無牛九十其犉黃牛黑唇曰犉爾羊來

思其角濺濺爾牛來思其耳濕濕或降于阿或飲于

池或寢或訛動也爾牧來思何簣何笠或負其餼三十

維物異毛色者三十也爾牲則具爾牧來思以薪以蒸以雌

以雄爾羊來思矜矜兢兢言堅強也不騫虧也不崩群疾也麾

之以肱畢來既升從人意也牧人乃夢衆維魚矣旒維旟

皇王大也卷三十一 王六

矣大人占之衆維魚矣實維豐年

陰陽和而魚衆多

旒維旟

矣室家溱溱

衆也旒旟所以聚衆

三十二年王師伐魯誅伯御立懿公之弟稱王欲得國子之能訓導諸侯者仲山甫曰魯侯肅恭明神敬事耆老賦事行刑必問於遺訓而咨於故實不干所問不犯所咨於是命魯侯於夷宮以爲侯伯尹吉甫之子伯竒事父母孝後母疾之譖於吉甫吉甫放之伯竒抱石自投於河

三十九年王伐姜戎戰于千畝王師敗績晉侯擊却戎兵全師以歸晉侯取齊姜以條之役生世子命之曰仇是戰也生少子命之曰成師師服曰異哉君之名子也

四十年王旣喪南國之師將料大原之民仲山甫曰古者司民協孤終司商協民姓司徒協旅司寇協姦牧協職工協革場協入廩協出是則少多死生出入往來者皆可知也於是又審之以事王治農於籍春蒐夏苗秋獮冬狩是皆習民數者也又何料焉王卒料之人民咨怨

四十一年甲寅殷商之時有作倒薤篆者至於文王有赤雀銜書丹鳥入室之瑞而作鳥書王之世史籀

作大篆

四十三年王殺杜伯杜伯無辜其子隰叔奔晉

四十六年王會諸侯田于宥日中見杜伯起於道左
朱衣朱冠操朱弓朱矢射王若中心折脊者王暴崩
謚曰宣王太子涅立

皇王大紀卷第三十畢

